



خلينا اخوات

أيوه غلظت في مشاعري
أيوه رجعت و ايه يعني
لا انا أول ولا آخر
وبقولها كلمة م الآخر
ومش ناوية خلاص أرجع
* * * *

مش لاقيه شئ يرجعني
وإحساسي بيك بيوجعني
وأنا قلبي ماليش غيره
ياريت تقدر وتفهمني
* * * *

ويوم ما تقولي نتقابل
بأقبل وقلبي مش قابل
حقيقي ايوة مش قادرة
أضحى بقلبي .. مش ساهل

* * * *

نفسى ف حد أنا أصونه
وقلبه يكون كده ليّه
ألاقي دمعي فى عيونه
ويلاقي فرحة فى عنّيه

* * * *

والوقت كل ما يعدي
بتتأكد حاجات عندي
وغيرها حاجات و حاجات
أرجوك عشان خاطري
خلينا صحاب واخوات